

էլ նվիրված Տ. Գրամֆլանի զեկուցումը: Բերելով մի շարք նոր փաստեր Ֆրանսիական կոմպարտիայի հայկական սեկցիայի գործունեության և դիմագրական շարժմանը հայերի մասնակցության վերաբերյալ, զեկուցողը նշեց, որ այդ շարժման շարքերում ընդգրկված էին ինչպես Ֆրանսիայում ապրող հայերը, այնպես էլ սովետական հայ ռազմագերիները: Նրանց հերոսական պայքարը բարձր գնահատվեց Ֆրանսիական ժողովրդի կողմից:

Պատմափ զենեքալ-մայոր Ա. Մարտիրոսյանը սեխայում խոսեց Հայրենական պատերազմի սկզբնական շրջանի գնահատության հարցի մասին ազգային պատմագրության մեջ: Նշելով պատերազմի սկզբում սովետական զորքերի լուրջ անհաջողությունները անտեսելու միտումը անհատի պաշտամունքի ժամանակաշրջանում, նա ընդգծեց, որ վերջին տարիներին մեր պատ-

մագրության մեջ հաղթահարվեց այդ սուրբեկ-տիվիստական մոտեցումը, բացահայտվեցին մեր զորքերի անհաջողությունների իրական պատճառները:

Պատմական գիտությունների դոկտոր ձ. Բարսեղյանը իր զեկուցման մեջ մասնավորապես կանգ առավ սովետահայ պատմագրության ձեռք բերած հաջողությունների և հետագա խնդիրների վրա: Հայրենական պատերազմի ժամանակաշրջանի պատմության գիտական խոր ու բազմակողմանի լուսարանության ասպարեկում:

Միացյալ գիտական նստաշրջանին մասնակցում էին գիտաշխատողներ, բարձրագույն ուսումնական հաստատությունների դասախոսներ, Հայրենական մեծ պատերազմի մասնակիցներ, նախկին պարտիզաններ, պատմափ սպաներ ու գեներալներ:

Կ. ՍՈՒՐԵՆՅԱՆ

ԳԻՏԱԿԱՆ ՍԵՍԻԱՆ ԵՎԻՐՎԱԾ ՄԵԾ ԵՂԵՌՆԻ 50-ԱՄՅԱԿԻՆ

1965 թ. ապրիլի 20-ին տեղի ունեցավ Հայկական ՍՍՌ գիտությունների ակադեմիայի և Սրևանի պետական համալսարանի միացյալ գիտական սեսիան՝ նվիրված 1915 թ. հայկական մեծ եղեռնի 50-րդ տարելիցին:

Ներածական խոսքով բացելով սեսիան, Հայկական ՍՍՌ գիտությունների ակադեմիայի պրեզիդենտ ակադեմիկոս Վիկտոր Համբարձումյանը ասաց.

— Լիսոն տարի առաջ սուլթանական Թուրքիայի կառավարողները կազմակերպեցին արևմտահայության զանգվածային կոտորածներ, կատարեցին այնպիսի մի ոճրագործություն, որը դարձավ մարդկային պատմության սև էջերից մեկը: Երիտթուրքական կառավարությունը, իրագործելով նախապես մշակված իր ծրագիրը, ամենաբարբարոսական միջոցներով կոտորեց ավելի քան մեկ ու կես միլիոն հայ խաղաղ բնակչություն, թալանելով ու ամայացնելով Արևմտյան Հայաստանը: Թուրք բռնապետները ձգտում էին իրականացնել հայ ժողովրդին հիմնովին քանջելու հրեշավոր ծրագիրը, բայց նրանց չհաջողվեց մինչև վերջ հասցնել իրենց սև գործը: Այդ ծրագիրը կարող էր իրագործվել, եթե չլիներ լեհիկոն ու Մեծ հոկտեմբերը: Արյունաքամ եղած հայ ժողովուրդը 1920 թ. նոյեմբերի 29-ին իր բախտը մեկնեց միշտ կապեց հզոր Ռուսաստանի, սովետական իշխանության, կոմունիզմի գաղափարների հետ: Ռուս մեծ ժողովրդի, Սովետական Միության բոլոր ժողովուրդների օգնությամբ ու աջակցությամբ Հայաստանը դար-

ձավ ծաղկուն սոցիալիստական հանրապետություն: Մենք ստեղծարար, խաղաղասեր ժողովուրդ ենք,— այնուհետև ասաց Վ. Համբարձումյանը,— հոգևոր ու նյութական արժեքներ ստեղծելու համար մեզ անսահման հնարավորություններ տվեցին Մեծ հոկտեմբերը, կոմունիստական կուսակցությունը, սովետական երկրի բոլոր ժողովուրդների բարեկամությունը:

Իրավարանական գիտությունների դոկտոր, պրոֆեսոր Ա. Ծսայանը սեխայում զեկուցեց «Հայ ժողովրդի ղենոյիղը և միջազգային իմպերիալիզմը» թեմայով: Նա բերեց բազմաթիվ արիւնիվային փաստեր ու վավերագրային այլ կարգի նյութեր, որոնք անառարկելիորեն վստում են, որ կես գար առաջ տեղի ունեցած հայկական կոտորածները ոչ թե տարերային բնույթ էին կրում, այլ իրագործվում էին թուրք կառավարողների կողմից ամենայն մանրամասնությամբ նախապես մշակված ծրագրին համապատասխան՝ պետական կարգով: Հայ ժողովրդին բաժին ընկած ահավոր ողբերգության համար, ընդգծեց զեկուցողը, երիտթուրքերի հետ միասին հանցավոր է նաև միջազգային իմպերիալիզմը, որը կեղծ խոստումներից այն կողմ շանցավ և իր շահադիտական քաղաքականությանը հետամուտ ամենավճռական պահին լքեց տանջահար ու արյունաքամ եղող հայ ժողովրդին: Սակայն կենաց և մահու ճակատագրական օրերին հայ ժողովուրդը իր հույսը կապեց սովետական իշխանության հետ, որի հաղթանակն էլ հենց փրկություն և վերածնություն բերեց նրան:

1915 թ. հայկական կոտորածների ժամանակ և հետագա տարիներին թուրքական յաթաղանի գոհը դարձան ավելի քան հազար արևմտահայ մտավորականներ, գրողներ, արվեստագետներ, բժիշկներ, հրապարակախոսներ, ուսուցիչներ, իր զեկուցման մեջ Հայկական ՍՍԻ գիտությունների ակադեմիայի թղթակից-անդամ Մ. Մկրյանը անդրադարձավ 'Երիզոր Զոհրապի, Դանիել Վարուժանի, Սիամանթոյի, Ռուբեն Սևակի, Ռուբեն Զարգարյանի, Թլկատինցու և եղեռնի դո՛ւ արևմտահայ մյուս գրողների ստեղծագործությանը: Թուրքիայի կառավարողները, նշեց նա, շխնայեցին նույնիսկ այն հայ մտավորականներին, որոնք հսկայական ծառայություն էին մատուցել թուրքական կուլտուրային:

Արևմտահայության ինքնապաշտպանական կրոնիկներին նվիրված իր զեկուցման մեջ բանասիրական գիտությունների թեկնածու Գ. Ստեփանյանը կանգ առավ Շապին-Գարահիսարի, Ուրֆայի, Վանի, Մուսա լեռան հերոսամարտերի վրա, ցույց տվեց այն կարևոր նշանակությունը, որ ունեցան Արևմտյան Հայաստանի մի շարք վայրերում հայերի կազմակերպած ինքնապաշտպանական մարտերը թուրքական չարդարարների դեմ՝ հանուն ազատության և պատվասիրության:

Թուրքական պատմագրության մեջ հայկական կոտորածների վերաբերյալ. ճշմարտությունը կոծկելու, այդ արյունոտ իրադարձությունները կեղծ հայելու մեջ ներկայացնելու, իրականությունը նենգափոխելու փորձերի մերկացմանն էր նվիրված պատմական գիտությունների դոկ-

տոր Ծ. Ղազարյանի և պատմական գիտությունների թեկնածու Ռ. Սահակյանի փաստալից զեկուցումը:

«Ժողովուրդների լեռնյան բարեկամության անհաղթ ուժը» թեմայով սեսիայում զեկուցեց պատմական գիտությունների թեկնածու Կ. Ուղումյանը: Նա ընդգծեց, որ սովետական իշխանության հաստատումից հետո անցած տարիների լեռնացիներում հայ ժողովուրդը մեր մեծ Միության եղբայրական ժողովուրդների ընտանիքում ձեռք բերեց վիթխարի նվաճումներ տնտեսության և կուլտուրայի բոլոր բնագավառներում:

Պատմական գիտությունների դոկտոր, պրոֆեսոր Գ. Գալոյանը «Հոկտեմբերյան սոցիալիստական մեծ ռևոլյուցիան և հայ ժողովրդի վերածնունդը» թեմայով իր զեկուցման մեջ հանգամանորեն խոսեց այն պատմական դերի մասին, որ կատարեցին Հոկտեմբերյան մեծ ռևոլյուցիան, սովետական իշխանությունը և կոմունիզմի զաղափարները հայ ժողովրդի ճակատագրի մեջ՝ նրա կյանքի ամենաբախտոտ ու ժամանակաշրջանում: Զեկուցողն ընդգծեց սոցիալիստական Ռուսաստանի կողմից նորաստեղծ Սովետական Հայաստանին ցույց տրված անշահախնդիր եղբայրական օգնության նշանակությունը երկրի քայքայված տնտեսությունը վերականգնելու, նոր կյանքի հիմքերը կառուցելու գործում:

Միացյալ գիտական սեսիան հակիրճ խոսքով փակեց Ծրեանի պետական համալսարանի ռեկտոր Հ. Բատիկյանը:

Լ. ՀԱԿՈԲՅԱՆ

ՄԱՆՈՒԿ ԱՐԵՂՅԱՆԻ ԾՆԵԳՅԱՆ 100-ԱՄՅԱԿԸ

Հայ ժողովուրդը սիրով ու երախտագիտությամբ նշեց իր արժանավոր զավակի՝ մեծանուն հայագետ-գիտնական, ակադեմիկոս Մանուկ Արեղյանի ծննդյան 100-ամյակը:

Մեծ գիտնականի ծննդյան 100-ամյակին նվիրված ռեսպուբլիկական հանդիսավոր նիստը տեղի ունեցավ մայիսի 25-ին՝ Ալ. Սպենդիարյանի անվան օպերայի և բալետի պետական ակադեմիական թատրոնում:

Հանդիսավոր նիստը բացեց Հայկական ՍՍԻ գիտությունների ակադեմիայի ակադեմիկոս, հոբելյանական հանձնաժողովի նախագահ՝ Մկրտիչ Ներսիսյանը: Իր ներածական խոսքում նա տվեց Արեղյանի ինչպես գիտական, այնպես էլ հասարակական-մանկավարժական բազմաբովանդակ գործունեության բնութագիրը, շեշտելով, որ Արեղյանը, իբրև հայ ժողովրդի մշակույթի ու

գիտական մտքի խոշորագույն ներկայացուցիչներից մեկը, իր բազմակողմանի և արգասավոր գործունեությամբ մեծ ավանդ է ներդրել մեր կուլտուրայի վերելքի ու ծաղկման գործում: Արեղյանը իր նշանավոր գրչակիցների հետ միասին նոր աստիճանի բարձրագրեց հայ ժողովրդի բանահյուսության, գրականության, լեզվի ուսումնասիրության գործը: Իբրև գիտնական նա հետևողական պայքար է մղել հեղինակ միշտ փնտրել է նորը, առաջավորը, սերտորեն կապված լինելով իր ժողովրդի հետ և հասարակությանն արտահայտելով նրա իզմերն ու ցանկությունները:

Հանդիսավոր նիստի մասնակիցները լսեցին Հայկական ՍՍԻ ԳԱ թղթակից-անդամ Արամ Դանիալյանի բովանդակալից զեկուցումը՝ Մ. Արեղյանի կյանքի և գիտական գործունեության